



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

Prot. n.166

**ORDINÀNTZIA N. 2 DE SU 9 DE
GHENNÀRGIU DE SU 2021**

Ogetu: Ulteriores mesuras istraordinàrias urgentes de cuntrastu e preventzioне de s'ispaghidura epidemiologica dae COVID-19 in su territoriu regionale de sa Sardigna. Ordinàntzia in cunforma a s'art.32, comma 3, de sa lege 23 de nadale de su 1978, n.833 in matèria de igiene e sanitade pùblica. Dispositziones in matèria de controllu faunisticu e atividade venatoria.

SU PRESIDENTE

- BIDU s'art. 32 de sa Costituzione;
- BIDU s'Istatutu Ispetzziale pro sa Sardigna e sas normas de atuazione relativas;
- BIDA sa lege regionale 7 de ghennàrgiu de su 1977, n.1 chi cuntenit "Normas subra de s'organizzazone amministrativa de sa Regione Sarda e subra de sas cumpetèntzias de sa Giunta, de sa Presidèntzia e de sos Assessorados regionales";
- BIDA sa lege 23 de nadale de su 1978, n.833 "Istituzione de su servìziu sanitàriu natzionale" e in particolare s'art. 32 chi disponet "su Ministro de sa sanitade podet emìtere ordinàntzias de caràtere contingibile e urgente, in matèria de igiene e sanitade pùblica e de polizia veterinària, cun eficàtzia perlongada a totu su territoriu natzionale o a parte de issu chi comprendet prus regiones", e puru "in sas matessis matèrias sunt emitidas dae su presidente de sa giunta regionale e dae su sindigu ordinàntzias de caràtere contingibile e urgente, cun eficàtzia perlongada a manera rispetiva a sa regione o a parte de su territoriu suo chi comprendet prus comunes e a su territoriu comunale";



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

- BIDA sa declaratzione de s'Organizatzione mundiale de sa sanitade de su 30 de ghennàrgiu de su 2020 cun sa cale s'epidemia dae COVID-19 est istada valutada comente un'emergèntzia de sanitade pùblica de rilevàntzia internazionale;
- BIDAS sas deliberas de su Consìgiu de sos Ministros de su 31 de ghennàrgiu de su 2020, 29 de triulas de su 2020 e 7 de santugaine de su 2020, cun sas cales est istadu declaradu e prorogadu finas a su 31 de ghennàrgiu de su 2021 s'istadu de emergèntzia in su territoriù nazionale relativu a s'arriscu sanitariu connessu a s'svilupu de patologias chi derivant dae agentes virales trasmissibiles;
- BIDA s'ordinàntzia de su Capu de su Dipartimentu de sa protetzione tzivile n.630 de su 3 de freàrgiu de su 2020 chi cuntenit "*Primos interventos urgentes de protetzione tzivile in relazione a s'emergèntzia relativa a s'arriscu sanitariu connessu a s'svilupu de patologias chi derivant dae agentes virales trasmissibiles*";
- BIDU su decretu de su Capu de su Dipartimentu de sa protetzione tzivile n.627 de su 27 de freàrgiu de su 2020 chi nùmenat su Presidente de sa Region Sardigna, sugetu atuadore de sos *interventos segundu su OCDPC 630/2020*;
- BIDA sa declaratzione de s'Organizatzione mundiale de sa sanitade de s'11 de martzu de su 2020 cun sa cale s'epidemia dae COVID-19 est istada valutada comente "pandemia" in cunsideru de sos livellos de isparghidura e gravidade segudados a livellu globale;
- BIDU su decretu-legu 25 de martzu de su 2020, n.19, chi cuntenit «*Mesuras urgentes pro fàghere fronte a s'emergèntzia epidemiològica dae COVID-19*», mudadu, cun modificas, dae sa lege 22 de maju de su 2020, n.35 e a manera ulteriore modificadu dae su D.L. n.83/2020;
- BIDU su decretu lege 16 de maju de su 2020, n.33 chi cuntenit "Ulteriores mesuras urgentes pro fàghere fronte a s'emergèntzia epidemiològica dae COVID-19" e publicadu in sa Gazzetta Ufficiale n.125 de su 16 de maju de su 2020, mudadu, cun modificas, cun sa lege 14 de triulas de su 2020, n.74 e a manera ulteriore modificadu dae su D.L. n.83/2020;
- BIDU su decretu lege de su 7 de santugaine de su 2020 n.125 (Mesuras urgentes connessas cun sa pròroga de sa declaratzione de s'istadu de emergèntzia epidemiològica dae COVID- 19 e pro sa sighidura operativa de su sistema de allerta COVID, e puru atuatzone de sa diretiva (UE) 2020/739 de su 3 de làmpadas de su 2020), e in particolare s'articulu 1, comma 2, lìtera a), chi in su modificare s'articulu 1, comma 16, de su decretu lege 16 de maju de su 2020,



REGIONE AUTONOMA DE SARDIGNA
REGIONE AUTONOMA DELLA SARDEGNA

SU PRESIDENTE

n.33, reconnoschet a sas Regiones sa facultade de introduire mesuras “restritivas rispetu a cussas dispostas in cunforma a s'artìculu 2, ossiat, ebbia in sos casos e in su rispetto de sos critèrios prevididos dae sos decretos tzitados e de intesa cun su Ministru de sa salute, puru acreschidoras”;

TORRADAS A CRAMARE sas ordinàntzias contingìbles e urgentes de su Presidente de sa Regione Sardigna, in cunforma a s'art. 32, comma 3, de sa lege 23 de nadale de su 1978, n.833 in matèria de igiene e sanitade pùblica, dae sa n.2 de su 23 de freàrgiu de su 2020 a sa n. 48 de su 15 de santugaine de su 2020 e n. 1 de s'8 de ghennàrgiu de su 2021;

BIDU su decretu-legu 2 de nadale de su 2020, n.158, chi cuntenit: “Dispositziones urgentes pro fàghere fronte a sos arriscos sanitàrios connessos a s'ispaghidura de su virus COVID-19»;

BIDU su decretu-legu 18 de nadale de su 2020, n. 172, chi cuntenit “Ulteriores dispositziones urgentes pro fàghere fronte a sos arriscos sanitàrios connessos a s'ispaghidura de su virus COVID-19”;

BIDU su decretu de su Presidente de su Consìgiu de sos Ministros 3 de nadale de su 2020 “Ulteriores dispositziones atuativas de su decretu-legu 25 de martzu de su 2020, n.19, mudadu, cun modificatziones, dae sa lege 22 de maju de su 2020, n.35, chi cuntenit: «Mesuras urgentes pro fàghere fronte a s'emergèntzia epidemiològica dae COVID-19» e de su decretu-legu 16 de maju de su 2020, n.33, mudadu, cun modificatziones, dae sa lege 14 de trìulas de su 2020, n.74, chi cuntenit: «Ulteriores mesuras urgentes pro fàghere fronte a s'emergèntzia epidemiològica dae COVID-19»;

BIDU su decretu-legu 5 de ghennàrgiu de su 2021, n.1, chi cuntenit: “Ulteriores dispositziones urgentes in matèria de cuntementu e gestione de s'emergèntzia epidemiològica dae COVID- 19”;

RILEVADU chi in cunforma a s'art. 1, comma 2, de su decretu lege 5 de ghennàrgiu de su 2021 n. 1, in su territòriu regionale in sas dies 9 e 10 de ghennàrgiu de su 2021 si àplicant sas mesuras de cuntementu prevìdidas dae s'art. 2 de su DPCM de su 3 de nadale de su 2020;

BIDA sa Lege 11 de freàrgiu de su 1992, n. 157 chi cuntenit “Normas pro sa protetzione de sa fàuna areste omoterma e pro su prelievu venatòriu”;

BIDA sa Lege regionale 29.07.1998 n. 23 chi cuntenit Normas pro sa protetzione de sa fàuna areste e pro s'esertzìziu de sa catza in Sardigna;

CUNSIDERADU chi sa Regione Sardigna at cumpetèntzia primària in matèria de catza;

TORRADOS A CRAMARE sos Decretos de s'Assessore Regionale de sa Difesa de s'Ambiente n.11 de su 24.08.2020 “Calendàriu Venatòriu 2020 – 2021”, n.13 de su



REGIONE AUTONOMA DE SARDIGNA
REGIONE AUTONOMA DELLA SARDEGNA

SU PRESIDENTE

23.09.2020 “Calendàriu Venatòriu 2020- 2021. Rèvoca de s'autorizatzione de su prelievu venatòriu relativu a s'ispètzia Moriglione e Pavoncella.”, n.14 de su 28.09.2020 “Integratzione Decretu Assessore de sa Difesa de s'Ambiente A/11 de su 24.08.2020. Calendàriu venatòriu 2020/2021 – Perdija sarda, Lèpere sardu e Conìgliu areste.”, n.15 de su 13.10.2020 “Integratzione Decretu Assessore de sa Difesa de s'Ambiente n.A/11 de su 24.08.2020. Calendàriu venatòriu 2020/2021 – Perdija sarda, Lèpere sardu”;

ATESU chi su Decretu de s'Assessore Regionale de s'Ambiente n. 11 de su 24.08.2020 at dispostu, in s'allegadu 5 tra sas àteras cosas, chi in s'esertìtziu de s'atividade venatòria ant a dèvere èssere osservadas sas mesuras precauzionales anticovid sighentes:

- A. Divulgare a manera costante sos DPCM e Ordinàntzias RAS;
- B. Vigilare e fàghere rispetare sas normas anticovid;
- C. Evitare sos muntones de gente prima, durante e a pustis de sas batutas de catza;
- D. Prefèrrere su pràngiu a s'ària aberta;
- E. Individuare sos locales in ue siat possibile mantènnere sas distàntzias de siguresa;
- F. Fàghere rispetare sas normas durante sas fases de maselladura, chi s'ant a dèvere acumprire in su rispetu de sas normas anticovid;
- G. Dotare sa sede de catza de gel igienizante e locandinas informativas anticovid;
- H. Detènnere un'elencu cun sos recàpitols de totu sos Componentes de s'Iscuadra, pro los pòdere agatare deretu pro comunicatziones eventuales de caràtere sanitàriu ligadas a su covid;

CUNSIDERADU chi mancari chi non sussistent problemas de muntones de gente pro sa g.n. catza minuda, est semper e cando fatu òbligu rispetare totu sas prescritziones in vigore;

CUNSIDERADA sa funzione fondamentale de s'atividade venatòria pro sa preventziona e pro su controllu sanitàriu de s'ispaghidura de sa Peste suina africana, e puru de s'ispaghidura de su virus de sa sìndrome emorràgica virale, in prus chi pro evitare dannos graes a s'agricultura e prevènnere sos intzidentes istradales;

CUNSIDERADU chi s'atividade venatòria s'acumprìt in Sardigna in su territòriu regionale liberu a sa catza e in sas zonas autogestidas pro s'esertìtziu de sa catza e chi, pro cussu, non podet èssere acumprida a in intro de sas làcanas comunales sìngulas;

APRETZIADU chi pro tale natura sua, s'atividade venatòria intrat tra cussas pro sas cales s'art. 2, comma 4, lìt. b) de su DPCM 3 de nadale de su 2020 cunsentit s'ispostamentu a in foras de su Comune de residèntzia, domitzìliu o abitazione;

BIDA s'ordinàntzia de su Ministèriu de sa Salude de s'8 de ghennàrgiu de su 2021;



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

CUNSIDERADU chi sa Regione Autònoma de sa Sardigna, pro cuntènnere sa tzirculazione de su virus, at aviadu su screening de massa in su matessi tempus de sa campagna de sos vatzinos;

LEADU ATU chi su Monitoràgiu Fase 2 (DM Salude 30 de abrile de su 2020) de su Ministèriu de sa Salude, Datos relativos a sa chida 14-20 de nadale de su 2020 (agiornados a su 22 de nadale de su 2020) evidèntziat:

- casos totales: 24938, Intzidèntzia cumulativa: 1529.49 pro 100000, casos cun data prelievu/diagnosi in sa chida 14/12-20/12: 1201, intzidèntzia: 73.66 pro 100000, Rt: 0.82 (CI: 0.67-1.01) [mèdiu 14 dies];

LEADU ATU chi su Monitoràgiu Fase 2 (DM Salude 30 de abrile 2020) de su Ministèriu de sa Salude, Datos relativos a sa chida 21-27 de nadale de su 2020 (agiornados a su 29 de nadale de su 2020) evidèntziat:

- casos totales: 27188, intzidèntzia cumulativa: 1667.49 pro 100000, casos cun data prelievu/diagnosi in sa chida 21/12-27/12: 1069, intzidèntzia: 65.56 pro 100000, Rt: 0.83 (CI: 0.7-1.07) [mèdiu 14 dies];

LEADU ATU chi su Monitoràgiu Fase 2 (DM Salude 30 de abrile de su 2020) de su Ministèriu de sa Salude, Datos relativos a sa chida 28 de nadale de su 2020 - 03 de ghennàrgiu de su 2021(agiornados a su 05 de ghennàrgiu de su 2021) evidèntziat:

- casos totales: 29218, Intzidèntzia cumulativa: 1791.99 pro 100000, casos cun data prelievu/diagnosi in sa chida 28/12/2020-03/01/2021: 1272, Intzidèntzia: 78.01 pro 100000, Rt: 0.95 (CI: 0.78-1.11) [mèdiu 14 dies];

BIDU chi subra de sa base de sos datos frunidos in data 8 de ghennàrgiu de su 2021 dae s'Unidade de Crisi Regionale sa situatzione de su cuntàgiu dae SARS – CoV-2, registrat 504 ricoverados in sos ispidales in degèntzias de s'àrea mèiga, in prus de 50 ricòveros in terapia intensiva subra de una disponibilidade atuale de 74 postos letu de terapia intensiva (+27 ativàbles in 24-48h);

CUNSIDERADU chi sas dimensiones subranatzionales de su fenòmenu epidèmicu e s'interessamentu de prus àmbitos in su territòriu natzionale faghent netzessàrias mesuras indiritzadas a garantire s'atuatzione de sos programmas de profilassi elaborados in sede internatzionale e europea, graduende sas mesuras in base a s'ispetzifitzidate de su contestu territoriale interessadu, in su rispetu de sos printzìpios de achistiadura, proporzionalidate e adeguadesa a s'arriscu a manera efetiva presente in su territòriu regionale;

BIDU s'art.14, comma 4, de su DPCM 3 de nadale de su 2020, pròpiu su cale "sas disposizioni de su decretu presente si àplicant a sas Regiones a istatutu ispetziale e a sas Provìntzias autònomas de Trento e de Bolzano a manera cumpatibile cun sos Istatutos rispettivos e sas normas de atuazione relativas".

DADU ATU de sas potestades primàrias atribuidas a sa cumpetèntzia regionale dae sa Lege Costituzionale 26 de freàrgiu de su 1948, n.3;

ATESU chi intret in sas cumpetèntzias primàrias de sa Regione Autònoma de sa



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

Sardigna riferidas a sas matèrias postas a sa potestade legislativa pròpria e amministrativa e, pro issa, tochet a su Presidente de sa Regione Autònoma de sa Sardigna, puru in calidade de Autoridate Sanitària Regionale e puru sugetu atuadore de sos interventos segundu su OCDPC 630/2020, valutare e pesare sos interventos netzessàrios pro sa tutela de sa salute pùblica;

VALUTADA

in prus, s'urgèntzia e chi non si podet perlongare de adeguare a sas ulteriores cunditziones epidemiològicas locales mudadas sas mesuras istraordinàrias a tutela de sa salute de sos tzitadinos sardos pro sa preventziona e su cuntenimentu de s'ispaghidura in su territòriu de sa Regione Sardigna de su COVID-19, in cunforma a s'art.32 de sa lege 23 de nadale de su 1978, n.833 in matèria de igiene e sanidade;

ÒRDINAT

Art. 1)

Sunt cumentidos sos ispostamentos – cun metzos pròpios e cun sa prescritzione de s'impreu de sos matessis dae non prus de duas personnes cunvientes semper e cando chi epant in tota sa fase de permanèntzia a in intro de sos metzos dispositivos idòneos de protetzione de sas bias aèreas – a in foras de su su Comune de residèntzia, domitziliu o abitazione pro s'acumprimentu de s'atividade venatòria e de s'atividade de controllu de sa fàuna areste in sas dies chi benint aplicadas sas mesuras segundu s'art. 2, DPCM 3 de nadale de su 2020, in su rispetu prenu de sas normas chi sunt cuntènnidas in sos Decretos de s'Assessore Regionale de sa Difesa de s'Ambiente n. 11 de su 24.08.2020 “Calendàriu Venatòriu 2020 – 2021”, n.13 de su 23.09.2020 “Calendàriu Venatòriu 2020- 2021. Rèvoca de s'autorizazionе de su prelevu venatòriu relativu a sas ispètzias Moriglione e Pavoncella.”, n.14 de su 28.09.2020 “Integratzione Decretu Assessore de sa Difesa de s'Ambiente A/11 de su 24.08.2020. Calendàriu venatòriu 2020/2021 – Perdiya sarda, Lèpere sardu e Conìgliu areste.”, n.15 de su 13.10.2020 “Integratzione Decretu Assessore de sa Difesa de s'Ambiente n.A/11 de su 24.08.2020. Calendàriu venatòriu 2020/2021 – Perdiya sarda, Lèpere sardu.”;

Art. 2)

In s'esertzìtziu de s'atividade venatòria ant a dèvere èssere osservadas in prus sas mesuras precauzionales sighentes, puru cun riferimentu a sa catza minuda pro cantu, de norma, non sussistent, in s'esertzìtziu de sa matessi, problemas de muntone de gente:

- A. Consultare cun atenzione sas normas vigentes in matèria de preventziona e proibitziones cuntènnidas in sos DPCM e in sas Ordinàntzias RAS; in su casu de cumpagnias de catza russa, su capu iscuadra relativu est obligadu a sa divulgatzione costante de sos cuntenutos prescritivos de sas matessis e a sa vigilàntzia subra de su rispetu dae parte de totu sos catzadores de sa matessi;
- B. Evitare sos muntones de gente prima, durante e a pustis de s'esertzìtziu de s'atividade venatòria, cun riguardu particolare a sas batutas de catza;



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

- C. Su pràngiu eventuale at a pòdere èssere consumidu ebbia a s'ària aberta in su rispetu rigoroso de s'istesiamentu sotziale, de s'igienizatzione de sas manos e de sa proibitzione assoluta de s'impreu misciadu de istèrgiu e provistas;
- D. In su casu de impreu de locales destinados a sa maselladura pro su prelievu de sos campiones de sutapònnere a sas anàlisis de lege, custos ant a dèvere garantire una areatzzione naturale sufiziente naturale pro su ricàmbiu costante de s'ària interna e èssere semper e cando idòneos a mantènnere sas distàntzias de siguresa de a su nesi 2 metros tra ogni pessone;
- E. Durante sas fases eventuales de maselladura de sos animales mortos, in su rispetu de sas normas vigentes in matèria, devent èssere a manera puntuale osservadas sas mesuras de preventzione contra a su Covid-19 e in particolare sa proibitzione de muntone de gente, s'igienizatzione costante de sas manos e s'òbligu de impreu de sa mascaredda;
- F. Sas sedes de campagna a manera eventuale impreadas comente apògiu dae sos catzadores devent èssere dotadas de gel igienizante e de locandinas informativas subra de sas prescritziones anticovid;
- G. In su casu de Cumpagnias de Catza, su capuiscuadra relativu devet redatzionare e costoire pro a su nesi 21 dies un'elencu nominativu de totu sos Componentes de s'Iscuadra cun sos indiritzos rispetivos, pro los pòdere agatare deretu pro comunicatziones eventuales de caràtere sanitàriu ligadas a su covid;

Art. 3)	Sos ipostamentos e puru s'esertìtziu de totu sas atividades subra dispostas, ant a dèvere avènnere in su rispetu de sas mesuras de distantziamentu sotziale de a su nesi duos metros e cun s'impreu de sos dispositivos de protetzione individuale prevìdidos.
Art. 4)	Pro cantu totu non disciplinadu a manera expressa dae s'ordinàntzia presente, si faghet rinviu espressu a su DPCM 3 de nadale de su 2020 e allegados relativos.
Art. 5)	Sas dispostziones de s'ordinàntzia presente produint sos efetos issoro a fàghere data dae su 10 de ghennàrgiu de su 2021 - finas a su 15 de ghennàrgiu de su 2021, francu pròroga esplìtzita e francu ulteriores prescritziones diversas, puru de signu contràriu, chi si diant a fàghere netzessàrias in dipendèntzia de s'andamentu de sa curva de isparghidura de su virus, chi at a èssere a manera costante monitorada dae sos òrganos cumpetentes de s'amministratzione e de sas aziendas.
Art. 6)	Si mandat a su Corpus Forestale e de Vigilàntzia Ambientale de sa Regione pro sas atividades de controllu cunsighentes in su terròriu in òrdine a su rispetu e a s'esecuzione curreta de s'ordinàntzia presente.

S'ordinàntzia presente est eficazze a manera immediata e est publicada in su situ istituzionale de sa Regione e in su B.U.R.A.S. Sa publicatzione at balore de notifica individuale, a totu sos efetos



REGIONE AUTONOMA DE SARDIGNA
REGIONE AUTONOMA DELLA SARDEGNA

SU PRESIDENTE

de lege, in sos cunfrontos de totu sos sugetos interessados.

Francu chi su fatu non costituat reatu prus grae, sa no osservàntzia de sos òbligos segundu s'ordinàntzia presente est santzionada comente pro lege (art. 2 de su D.L. 33 de su 16 de maju de su 2020).

S'ordinàntzia presente benit in prus trasmìtida, segundu sas cumpetèntzia rispetivas, a su Presidente de su Consìgiu de sos Ministros, a su Ministro de sa Salude, a su Ministro de s'Ambiente e de sa tutela de su terròriu e de su mare, a sos Prefetos de sos Ufìtzios territoriales de Guvernu de sa Sardigna, a sos Amministratori de las Provìntzias de su terròriu regionale, a su Sìndigu metropolitanu de Casteddu, a sos Sìndigos de sos Comunes de sa Sardigna, a sos Assessores regionales.

Contra a s'ordinàntzia presente est ammìtidu ricursu giurisditzionale a dae in antis de su Tribunale Amministrativu Regionale in su tèrmine de sessanta dies dae sa comunicatzone, ossiat istraordinàriu a su Capu de s'Istudu intro de su tèrmine de dies chentubinti.

Christian Solinas



CHRISTIAN SOLINAS
REGIONE
AUTONOMA DELLA
SARDEGNA -
SISTEMA REGIONE
09.01.2021
20:44:16 UTC

Traduzione de s'operadora de s'isportellu linguìsticu de Pàdria
Maria Leonarda Correddu